

Ramir

Broj: 03-28-7-79-9/23

Datum: 21.04.2023. godine

**BOSNA I HERCEGOVINA
FEDERACIJA BOSNE I HERCEGOVINE**

Općina: VITEZ

**Adresa: Ul. Stjepana Radića br. 1
n/r Načelnika**

Predmet: Obavijest o provođenju Ankete o prihodima i uslovima/uvjetima života u BiH 2023 (SILC)

Poštovani,

Obavještavamo Vas da će se u periodu **od 20. 05. do 30. 06. 2023. godine**, u skladu sa Programom i Planom provođenja statističkih istraživanja za 2023. godinu na teritoriji cijele Bosne i Hercegovine provesti anketiranje domaćinstava/kućanstava za istraživanje Anketa o prihodima i uslovima života u BiH 2023.

Anketiranje domaćinstava/kućanstava na području Federacije BiH obavljaju akreditovani anketari koje angažuje Federalni zavod za statistiku. Anketa o prihodima i uslovima života u BiH 2023 provodi se u uzorkom izabranim domaćinstvima/kućanstvima na području Vaše općine.

Anketa o prihodima i uslovima/uvjetima života u BiH 2023 je statističko istraživanje kojim se od slučajno izabranih domaćinstava/kućanstava prikupljaju podaci o prihodima, siromaštvu, socijalnoj isključenosti, materijalnoj deprivaciji, socio-ekonomskim karakteristikama pojedinaca i uslovima života. Prikupljeni podaci će se koristiti za dobivanje glavnih socijalnih indikatora na nivou Bosne i Hercegovine i entiteta.

Provođenje ovog istraživanja će značajno doprinijeti razvoju statističkog sistema/sustava u Bosni i Hercegovini u skladu sa europskim i međunarodnim standardima.

Individualni podaci prikupljeni Anketom o prihodima i uslovima života u BiH 2023 su službena tajna, koristiće se isključivo u statističke svrhe i biće objavljeni samo kao zbirni podaci. Tajnost prikupljenih podataka je zagarantovana Zakonom o zaštiti ličnih/osobnih podataka ("Službeni glasnik Bosne i Hercegovine", br. 49/06, 76/11 i 89/11), kao i Zakonom o statistici u Federaciji BiH ("Službene novine Federacije BiH", br. 63/03 i 9/09).

Koristimo priliku da Vas zamolimo za punu saradnju/suradnju tokom provođenja ove veoma značajne aktivnosti za Bosnu i Hercegovinu.

Za sve dodatne informacije molimo kontaktirajte: Federalni zavod za statistiku, tel: 033 407-019, fax: 033 226-151, email: fedstat@fzs.ba

S poštovanjem,



DIREKTOR

Doc. dr. Emir Krečić